

**ASHINETERO AYOTANE,  
AYOTAKOTAKERORIKA  
KAMETSA JAOKA  
OKANTAKOTA**



Colaboradores:

Ashinetero ayotane,  
ayotakotakerorika kametsa  
jaoka okantakota

©2020

Instituto Nacional de Defensa de la  
Competencia y de la Protección de la Propiedad  
Intelectual (Indecopi)

Calle de la Prosa 104 - San Borja, Lima, Perú  
Teléfono: (51-1) 224 7800  
E-mail: [patenta@indecopi.gob.pe](mailto:patenta@indecopi.gob.pe)

Textos:  
Luis Dávalos y Sofía Vargas

Asesoría en educación intercultural:  
Maritza Nuñonca

Asesoría técnica y edición de textos:  
Liliana Palomino y Sara Quinteros (Indecopi)

Diseño, diagramación e ilustraciones:  
Luis Núñez

Con apoyo del Proyecto GEF ABS Nagoya

Síguenos: Indecopi Oficial




<http://www.indecopi.gob.pe>





Pikantena,  
¿Paitakea yantajeitiri  
pashinipe atiri  
yaantyariri kireki  
okantakantiro  
ayotanepe?



¿Paitakea  
imonkarayeteri atiripe  
ainijantyariri ayotanepe  
okantakoyeta inchashipe  
jeri añinkaripe  
ayotakoyetiri?



Tera ayobenteroji,  
maroni amabentakotirori  
antami, kemperi asharakajeiti,  
ainijayetiri ayotanepe impoji  
ashineyetiri ñanatinkaripe jeri  
areyetachari anampiki irayero  
ayoyetiri. Mateo, ari okantakea  
ainijayeri, kantimaitacha,  
otimatye akantajeiteri ipinate  
aisati ashinetero  
iriyotantyarori ayotanepe.




Timatsi  
aparoni  
iyotakoteri:

**Timatsirika atiripe koatsiri iyotakotero  
ayotanepe, otimatye inkamite,  
ashinetantyariri ainijayeri. Eirorika, eiro  
ainijairitsi. Ojita meka "Ashinetero ayotane,  
ayotakotakerorika kametsa".**



## EIRO PIPEAKOTANTAROTSI OKANTERI “ASHINETERO AYOTANE, AYOTAKOTAKERORIKA KAMETSA”:

- ▶ Ikantetiri ashinetero ayotane, ayotakotakerorika kametsa, iro shinetakairori ainijantero impoiiji obetsikakoyetantaryari ayotanepe okaratira ayotakotiri inchashipe jero pashinipe.
- ▶ Okoiri ora ashinetero ayotane, ayotakotakerorika kametsa, irointi, ainijantero ashinetakerorika ayotanepe iraantyarori pashinipe atiri.
- ▶ Maroni amabentakotirori antami, kemperi asharakati, arojeitake kantatsineri akoirika ainijantero ayotanepe, aisati, terika ankoye. Tekatsi shintsibentene. Ontimatye ayotakotero kametsa.







**Charine Gregorio, te nokematsaperotabakempi, pamitakotena nokematsatero pikantakeri, ¿ari?**

Ari Mateo, eiro okantimonentimpi. Okoatya piyotakotero kametsa aparope ñantsi. Pikemena noinijayempiri:




**¿Otimatye ashinetero ayotane, ayotakotakerorika kametsa ainijantyarori impoiji apantayetyarori?**

- ▶ **ASHINETERO AYOTANE**, irointi ora ainijayero impoiji ashinetero ayoyetiri, akantara asharakari, obetsikayetantyarori paitarikape.
- ▶ **AYOTAKOTAKERORIKA**, okantakotiro, tekera ashinetanakero ayotanepe, otimatye iroinijete kametsa jaoka ikantaterori ayotane ainijanteri, paita ibetsiketeri, jaoka okantyarori. Otimatye ikantete aisati jaoka onkarate opinatya oinijantanakearika ayotanepe.
- ▶ **IKANTETIRI KAMETSA**, irointi ikantetitya osamanipaite ikoakotanteri ainijantero ayotane, akenkishiriantyarori arori.



Te Mateo, timatsi osheki ayotanepe yakoitakeri perani, te ayotakoteroji, iyoyetakero meka atiripe; ora meka antakantiri ashinetero ayotane, ayotakotakerorika kametsa, irointi ashinetero ayotanepe kari iriyoyete atiripe.



Guillermina, noyotake pijaiti apatoirensiki antakantakeri Indecopi oñabentakotakerora añabentirika. ¿Intsi pikamantajeitena kapichaji noyotantyarari?



Aribe noshaninkape, iro nokoiri noamejeitempi, eiro yamatabijeitantamitsi kariperori atiri koshiteri ayotanepe, kemperi ayoyetirora abintaro inchashipe, abintari aisati piratsipe jeri añinkaripe ayotakoyetiri.




Guillermina, Nokoi pishiyakabentabakero noyoperotantabakeari, ¿ari?



Ari Mateo, kemperi, ariorika abintyaro matikoshi ora kamantsi jero patsarontsi, impoiji apotsotantyarorika ana aishipe, iro ikantetiri ayotanepe.




Aribe Guillermina, nokematsatabakero meka. ¿Jaokakia akanterori apantyarori ashinetero ayotane, ayotakotakerorika kametsa?



Pamene Mateo ari okantakotari:

- ▶ Maroni atiripe koatsiri iyotakotero ayotanepe, ontimatye yoinijantero kametsa ikenkishiriri ara apatoirensiki timatsine anampiki.
- ▶ Maroni osampiyeteri anampi oyoperotantyarari, ontimatye akempa kametsa.
- ▶ Ari akanterori apatoirensiki ariorika ashinetakero ainijayero ayotanepe, terika, te.
- ▶ Ashinetakerorika ayotanepe, acharinkakotero aparoni acta.
- ▶ Timatsirika pashinipe atiri kemperi ashaninkati impoiji timatsi iyotanepe, otimatye akamantajeiteri iriori akemajeitanyariri paita ikantiri jero paita ikoiri.



**Ariorika obetsikakotanakea ayotane ipimanteteri otimatye:**

- ▶ Asankenate aparoni contrato, iri charinkerone jibabentiriri ashaninkape jeri jibabentirori ainijayeri ayotanepe.
- ▶ Asankenatakotero contraro ara Indecopi, amenantyarori paita okantakotiri.



Pikenkeshirero  
Mateo, ora Indekopi  
amitakote  
amabentakotyaro  
ayotanepe aisati  
omonkaratakayero  
tikakobenteri.



Timatsi aparoni  
sankenarentsi oijatiri **Indecopi**  
amabentakotantyarori ayotanepe,  
ojitanaka "**Ley 27811- Ley**  
**oinijantakotirori kametsa**  
**amabentakotantyarori**  
**iyotanepe amabentakotirori**  
**antami, akemetara**  
**ashaninkati**".

## PIYOTAKOTERI OKANTAKOTIRI "ASHINETERO AYOTANE, AYOTAKOTAKERORIKA KAMETSA":

- ▶ Ayotakotantyarori kametsa sankenatachari, oti matye ankematsatero maroni, "ikantetiri aakotanakero akantajeitara".
- ▶ Maroni komonirape iro kantatsineri ariorika oshinetakero terika eiro oshinetiro oinijanero oyotanepe. Eiro ishintsinayetitsi.
- ▶ Maroni komonirape, oti matye oshinetero oyotanepe ariorika oyoperotakotakero. Te onkobe a ishintsinayetero, iramatabiyete jero imposanayete.



## APATORENTSIPE KOAYETIRORI IYOTAKOTERO AYOTANEPE IKANTAKOTA AÑINKARIPE:

### Ashitarori maroni yotanetsipe:

- ▶ Amabentakotirori antami, kemperi ashaninkati.
- ▶ Maroni ashijeitaro ayotanepe impoiji otimatye amabentakoyetyaro eiro opiantatsi.
- ▶ Ari okantakea ainijayeri pashinipe atiri ayotanepe. kantimaitacha, otimatye ayotakoperotabakero jaok ikanterori ainijakeririka.

### Pashiniyetatsiri atiri koayetirori ayotanepe:

- ▶ Sampitakoyetantatsiri, pimantayetatsiri jeri timakotatsiri irekite.
- ▶ Koatsiri ainijayeri ayotanepe ifanatakotantyarori, ipimantakotantyarori impoiji ibetsikakoyetantyarori. abintarontsipe.
- ▶ Oinijantakotirori paita impayeteri ainijakerira ayotanepe akantara ashaninkati amabentakotirori antami.

### Jibabentakotirori anampiki:

- ▶ Instituto Nacional de Defensa de la Competencia y de la Protección de la Propiedad Intelectual -Indecopi.
- ▶ Osankenatakotiro impoiji amabentakotiro iyotanepe amabentakotirori antami kemperi arori.
- ▶ Amenakotiro osankenatakotya kametsa contrato okantakantirira Ley.
- ▶ Ari obasanketakeri maroni atiri oinijantakerori, koshitakerori ayotanepe eirorika ashinetirotsi.

## ¿JANIKA IKANTETIRI AMABENTAKOTIRORI ANTAMI?:

**Maroni amabentakotirori antami asaikitita perani tekera yarejeitapakea ishifañoripe impoiji tekera obetsikakotanakia ora Estado.**

**Maroni amabentakotirori antami, irosati antayetiro ameyetari impoiji añabetiro añane.**


**Maroni amabentakotirori antami, ayotabakajeita aparope akantara asaikajeiti aipatsiteki.**

**Maroni amabentakotirori antami, asaikajeiti komoniraki anta Sharakamashiki jero Amasoniaki.**



# Indecopi:

- ▶ Ora Instituto Nacional de Defensa de la Competencia y de la Protección de la Propiedad Intelectual (Indecopi) irotake jitachari Autoridad Nacional Competente amabentakoyetirori impoiji sankenatakoyetirori maroni iyotanepe amabentakotirori antami kemperi arori ashaninkati.
- ▶ Ariorika yaitetakero, ikoshiyetakerika oyotane anampi akantara ashaninkati impoiji terika inkamiyete ashinetantyarori ayotanepe, iro jibatakayerone okoakoteri kireki inkarate obinaro ora 150 UIT opinabentyari ikoshiyetake.
- ▶ Amitakoyetiri maroni amabentakotirori antami, ayojeitanyarori asankenatakotero impoiji amabentakotero ayotanepe.



Otimatye  
akenkishiriakayeri, maroni  
amabentakotirori antami,  
timatsi tikakobenteri  
amabentakoyetantyarori  
ayotanepe impoiji ashinetero  
ayotane, ayotakotakerorika  
kametsa, iro amitakoteri  
amabentanyarori  
tikakobenteri.



**iTsame  
apinkatsatakayero  
tikakobenteri!**





[www.indecopi.gob.pe](http://www.indecopi.gob.pe)

